



秋崖先生小藁卷之三

方岳

巨山

七言絕句

壬寅元日


一元塊北先天易萬物胚暉太極圖自嚼梅花冰  
片片無人先後飲屠蘇

癸卯元日

政坐聰明誤廼翁莫將鞭影戲兒童春臯本分扶  
犁手共駕烏犍待歲豐

其二

遠色蒼茫草際煙春風也到雪厓邊不知最後屠



蘇酒增一年歟減一年

立春

冰絲玉縷簇青紅已逗花稍一信風夢到謝池新  
雪盡暖煙含雨絲匆匆

其二

綵燕雙簪翡翠翹巧裁銀勝試春韶東風已到關  
干北看見嬌黃上柳條

其三

池痕吹皺綠粼粼才見池痕認得春香沁綵鞭旗  
脚轉自題蘭帖記春新

立春都堂受誓祭九宮壇

欠伸殘夢雪鬢鬆只等三茅午夜鍾傳鑰省門星  
斗濕不知春已轉蒼龍

其二

輦路香融雪未乾鷄人初唱五更寒瓊幡第一番  
花信吹上東皇太乙壇

立春謝司法有詩次韻

明日瓊幡遶鬢飛土牛纔出草痕肥送寒政不關  
渠事雪不來時未肯歸

其二

誰將健筆破天葩清曉園林盡是花寒入厓雲齋  
未久詩腸雖吼尚禁茶私忌

其三

一夜接雲作雪飛池塘已自綠生肥憑君檢校闌  
干北榭上新青歸未歸

其四

草亭亦欲識詩葩連夜開將雪樹花清處儘強陶  
學士不閑羔酒與龍茶

君用致紅梅云不開數年矣

山家已作枯槎看帶雪移來却自春一夜揣摩花  
意思寧將醉面向村人

再用韻奉酬

灞橋淨洗冰霜面拂略潮紅笑向春莫作野桃看

過了煩詩說似武陵人

昔公安在見何晚寧欲霜埋不受春不是三生曾  
一面寧堪開向世間人

婺源道中

夢中綠遍謝家池夢覺山村雪擁籬儘道春寒花  
未在曉來開到野棠梨

春夜

酒不能多詩又塵欄干月午柰何春天寒莫到海  
棠瘦一夜東風吹倒人

湖上八首

沙暖鴛鴦傍柳眠春來亦懶避湖船佳人窈窕惜

顏色自照晴波整翠鈿

今歲春風特地寒百花魚賴已摧殘馬塍曉雨如  
塵細處處筠籃賣牡丹

輕塵不動雨霏微堤外芹香燕子飛庭院日長簾  
幙靜含情脉脉看春歸

綠波如畫雨初晴一岸煙蕪極望平日暮落花風  
欲定小樓絃管壓新聲

春連禁籞綠陰交對面晴煙舞翠蛟最是君王遊  
幸少宮花渾未識鳴鞘

連天芳草晚淒淒蹀躞花邊馬不嘶蜂蝶已歸絃  
管靜猶聞人語畫橋西

遊人抵死惜春韶風暖花香酒未消須向先賢堂  
上去畫船無數泊長橋

鞦韆人散雨千絲誰把秦笙隔院吹但覺小橋煙  
外柳春風無力逞腰支

夢中

屋頭晴哢已交交更向春風打一遭花片已肥紅  
欲綻柳絲煙重綠如縑

社日

燕子今年捎社來翠餅猶有去年梅丁寧莫管杏  
花俗付與春風一道開

社日益明叔見過

溪雲醞釀社公雨肯踏寒莎過阿戎亦有小詩拈  
未出且携瀑布煮春風

春思

楊柳生寒莫上樓夕陽芳草泥人愁情知社近迎  
新燕盡捲湘簾不下鈎

杜鵑花落石闌干新染晴波綠遠灣小立佇詩風  
滿袖一雙睡鴨占春閑

清明日舟次吳門

蓬窓恰受夕陽明楊柳梨花半月程老去不知寒  
食近一篙煙水載春行

片片花飛更異鄉人家插柳抵愁長晴沙煙草幾

今古春去春來燕子忙

清明

淡煙疎雨清明日飛絮落花遊子心燕話春愁初  
睡起一簾草色暮池深

次韻梁倅

把住新花做好看傷春時共倚闌干醉中不記暮  
煙碧楊柳樓深燕子寒

次韻陳侍郎謝送牡丹

人在金華殿角頭詩情却遣爲花留春風不入癡  
仙眼六六峯寒隔幾州

手斲蒼苔玉一欄山家初見眼猶寒移根莫厭凡

紅紫只做春風一樣看

次韻牡丹

銀壺貯雪褪輕紅費盡思量句不工若使春風但  
桃李春風殊未可雌雄  
嬌紅深倚翠雲團鬢鬢三生吳綵鸞詩眼頓驚春  
富貴雨侵衫袖不知寒

次韻雙頭牡丹

春入多情草木妖霓裳相倚奏咸韶玉欄一樣紅  
如洗不比觚稜瑣二喬

溪店回文

啼鶯幾處啾啾柳乳燕雙飛片片花溪淺度雲山

帶兩岸崩欹樹草連沙

春望

春深酒熟溪橋鼓午過齋聞野寺鐘花不知名香  
自永倚風臨水爲誰容

聞鶯

綠窓愁寂雨淒淒春老江南花亂飛鶯亦自知人  
意思垂楊深院盡情啼

約魯山兄

莫說尋芳已後時春蔬解甲茗搴旗松風石鈿晴  
雲盃不是吾曹未必奇

春暮

卷中未有好詩看草滿池塘夢已闌客又不來春  
又暮一簾新雨杏花殘

春晚

一樽魚計遣春留落日傷情獨倚樓柔絲拍堤如  
可染老紅滿逗爲誰愁

青梅如豆帶煙畝紫葳成拳着雨肥只有小橋楊  
柳外杏花未肯放春歸

山杏溪桃睡欲昏青旗邀客過孤村楊花不肯隨  
春去惹住晴風自入門

秋崖先生小藁卷之三

秋崖先生小藁卷之四

方

岳

巨山

七言絕句

次韻謝兄立春戲擬春帖子

泉脉晴融太液池內人初曉玉參差東風認得農  
祥正吹作豐年御製詩

天家觀闕玉重重逼入春皇一信風生意無邊青  
欲動微茫淡靄暖煙中

天地春回萬壽杯宮雲留雪玉崔嵬曉供帖子瓊  
幡重携得韶風下殿來

天與君王共一仁只將仁與物爲春要令率土無



枯槁未賞冰池皺玉粼  
青旗簇仗賜銀幡共以昇平奉至尊閭闔千官花  
底散紫泥香熟詔書溫

春思

無何桃李又成陰水抱孤村岸岸深  
逕草不鋤随意綠要觀天地發生心

煙草茸茸匝岸齊晴天鳥浴喜清溪  
一春造化花開盡大欠渠詩共品題

春風多事事太忙生長共花邊柳外行  
與燕可却泥蜂釀蜜纔吹小雨又須晴

春詞

啣泥刻可泥  
固謬然改銜  
亦覺未洽

些

翠鼎香深旋作茶餘醒牽夢幾還家  
夢中記得春池綠曾共丁寧下畚花  
花不知愁句又塵晚寒獨自倚欄頻  
一分心事一分雨春負予耶予負春  
剪得春詞不忍看雨深怕近碧闌干  
春無些力吹成雪未必杏花能耐寒  
草色將寒上客衣柔情只了得花飛  
湘簾不隔社公雨百姓人家燕未歸  
一春直是桺風流只恁風流只恁愁  
客又不來寒食近碧蘅紅杜滿芳洲

道中即事

春泥滑滑欲濺裾肯為梅花顧草廬喚作詩人看  
得未兩臺笠雪一肩輿

家人不寄屐屐詩直恐藁砧官尚微到了不過相  
愛耳未論此語是耶非

十日山寒雨不休僕其痛矣得無愁老夫自愛歸  
程好肯為春泥怨鷓鴣

梅已飄零尚典刑斷魂籬落野煙青靈均憔悴迺  
知此到老可人寧獨醒

犖确連雲路不分雲侵衫袖白紛紛亦知雲自青  
山出不見青山只有雲

衡雨衡風莫管渠晨炊蓐食便巾車能無幾日到

茅舍睡到日高相折除

對竈何妨客燎衣溪翁且莫鍊柴扉日之夕矣樵  
風冷穀觶一牛將犢歸

上到春山頂顛頭更携煙雨入吾州梅花便作鄉  
人看飛落酒杯相勸酬

畫中亦愛雨中山連雨山行却厭看一夜東風吹  
作雪問誰畫我訪袁安

野漲平溪已斷橋悔將辛苦上岩堯朝來雨斷絕  
堪屬依舊綠楊山逕遙

晨光漏日鳥深春况此泥行雨宿人夜半瓦鳴驚  
夢覺悔將蓬笠當勞薪

田翁不省雪糝糊緊閉柴門擁地爐自許小厖分  
席坐是間寧復着吾徒  
剡溪船後灞橋驢着我荒村一筍輿却後幾年俱  
作盡未知雪句定何如

農謠

春雨初晴水拍堤村南村北鶉鴝啼含風宿麥青  
相接刺水柔秧綠未齊

問舍求田計未成一簣鉏月每含情春山樹暖鶯  
相覓曉隴雨晴人獨耕

小麥青青大麥黃護田沙迺遠羊腸秧畦岸岸水  
初飽塵甑家家飯已香

雨過一村桑柘煙林梢日暮烏聲妍青裙老姥遙  
相語今歲春寒蚕未眠

漠漠餘香着草花森森柔綠長桑麻池塘水滿蛙  
成市門巷春深燕作家

觀天井

雷斧何年翠鑿成老龍吟苦雪濤驚霜晴未用爲  
霖在留與春簑作太平

上巳遊顯親寺題其壁

一犁初試蠶栗犢兩岸對鳴晴雨鳩搖落碧桃花  
片片石闌干下釣魚舟

其二

松房小雨留客竹逕深深驚喚人爛醉不知三月暮等閑又是一年春

其三

芳草出楊水底天半晴半雨作春妍幅巾道服蓬船坐不是詩僊即酒僊

其四

屬玉雙飛水滿塘石爐柏子掩山房一瓶瀑煮春風濕只聽松聲意自長

胡登仕送花

一年春是牡丹時不負花時只有詩老去自知才思盡枉分風月到山籬

其二

紅酣紫膩不勝春肯上先生墊角巾芳草醉眠今老矣惜花心在怕花嗔

題八士圖

雅聞八士春俱秀未覺三賢迹已陳投分不論曾識面此圖到手便情親  
飛絮遊絲芳草路淡煙疎雨落花天偶然畫出尋詩意未必新詩待畫傳

次韻酬率翁

戍樓夢不到中州杜牧新愁亦倦遊留得荷鋤雙手在山寒芋栗要人收

裏

但得清溪裏草堂溪頭山色有炎涼秋崖一出四  
年矣想見松花滿石床

山樊

只有江梅合是兄水僊終似號夫人季方政爾難  
爲第每恨詩評未逼真  
竹屋寒魚石鼎煙春風吹作白龍涎平生竒趣何  
關染字以山樊亦自然

重宿儲文乙巳

只有詩囊澹似僧却嫌官冷屋於冰桃花儘賴春  
風笑慣與劉郎面熟能

次韻別友

長汀草色恨連天一片飛紅漲綠川寒入湘簾君  
又去只隨燕子過年年

有客

晚逗雲深雨未乾愛閑有客過方干茶甌之外魚  
祇待清坐不言松韻寒

夏夜

河漢微明星乍稀碧蓮香濕襲人衣夜涼如水琬  
璃滑自起開窓放月歸

山家

午陰蒙密路縈紆兩兩麗黃對引雛自可曲肱驚  
短夢南山叢薄有菸菟

黃鸝

春

明月相看未厭貧  
好風無價一披襟  
苔簷不掃少來往  
兩部鳴蛙草自深

夜大風

一夜東風太放顛  
草塘打破釣魚船  
賴渠自任修船費  
無數亂堆榆莢錢

夜雨屋漏

莫怨乖龍橫見治  
滿床詩卷盡淋漓  
人間書疏何爲者  
徑挽天河一洗之

重午

重午無人肯訪臨  
竹低沙淺綠連陰  
倚松自讀離騷坐  
一笑獨醒江水深

茉莉

閩雨揉香摘未稀  
鈎簾頓覺暑風微  
只應雪外梅花笑  
肯與兒曹入枕幃

素馨

雪骨冰肌合耐寒  
怕寒却不離家山  
老夫懷土鼻渠等  
一纓移來得許頑

次韻楊梅

筠籠帶雨摘初殘  
粟粟生寒鶴頂殷  
衆口但便甜似蜜  
寧知竒處是微酸

方紅

炎蒸官屋如樊籠  
安得雪嚼卽官紅  
海山僊人隔

千里忽到眼中宗派同  
羣僊南遊三神山親留冰丹祛暑袪  
祥藥珠侍宸輒  
分似我其詩之累百番

次韻至能湖上

春山如染費人詩驟馬新堤拂柳絲  
杜宇一聲春欲暮海棠睡去未曾知

秋崖先生小藁卷之四

秋崖先生小藁卷之五

方

岳

巨山

七言絕句

楊柳枝

綠陰深護碧闌干拂拂春愁不忍看  
燕子未歸花落盡一簾香雪晚風寒

拗盡青青恨未消春風一夜長新條  
多情也似相欺得愛惹釵頭翡翠翹

晴日遊絲亂入簾夕陽更忝酒家帘  
粥香錫白清明近鬪挽柔條插畫簷

小橋風定綠煙垂幾送行人此別離  
蝶躑玉驄嘶

草去啼鶯寂寞雨千絲  
幾日春寒怯上樓樓頭煙縷縷拂簾鈎相看瘦盡渾  
無奈一種風流各自愁

觀山

一層雲放一層山小市人家翠欲環檢點只疑低  
數尺一層山向隱雲間

過湖

纔出城來便不同綠楊微雨藕花風過湖船用百  
錢買卧省雲歸南北峰

暑中雜興

一刻之間直萬金苦無人可共幽襟成年不作西

湖想聽得啼鶯不自禁

不慣山中夜月寒滿窓樹影鮮花乾移床近壁不

敢卧恐是龍蛇之屈蟠

今年不上一竿竹渠豈於人亦世情風雨尚餘千

箇在結巢吾欲聽秋聲

白鷗吾有一日雅疇昔見之相與親滄浪忽欲從

此逝噴我手揖魚詩人

是非不到野溪邊只就梧桐聽雨眠睡熟不知溪

水長鷺鷥飛上釣魚船

平生多可曹修士說我唐詩最逼真不道蹇驢風  
雪裏何如黃犢過比鄰



俚謂葦華烏脚鬼吾尊毛穎黑頭公與華作傳何  
爲者穎則萬世文辭工  
只鋤蔬甲亦妨閑又弄溪雲斷往還今日偶來僧  
却在共煎茶喫話廬山

立秋

秋日尋詩獨自行藕花香冷水風清一涼轉覓詩  
難做付與梧桐夜雨聲

書元可扇

南薰殿上薰風老雨便飛來占取涼書帶香眠愁  
杳渺雲侵清簾竹方來

記畫

閑雲古木山藏寺野渡孤舟水落磯秋色無人空  
黯淡竹門未掩待僧歸

漁父詞

晚晴鋪網占鷗沙各自分魚就酒家洞口醉眠船  
正暖碧桃流出兩三花  
陰陰深樹晚生煙雨急歸來失繫船白鷺不驚沙  
水淺依然共在綠楊邊

煙波渺渺一輕蓬浦溆生寒蘆荻風昨夜新霜魚  
自少滿江明月笛聲中  
沽酒歸來雪滿船一簑撐傍斷磯邊誰家庭院魚  
梅看不似江村欲暮天

龜巢夜宴

落日鴛鴦睡淺坡  
荷花初醒水微波  
玉簫吹斷晴雲濕  
最覺池寬得月多

送劉仲子就試

竹雨梧風滿袖涼  
踏槐仍逐衆人忙  
一觴共滴蟾蜍露  
併遣五千書傳香  
小技文章道未尊  
入時新樣更難論  
鵠袍總脫須重讀  
六籍久爲場屋昏

羨萼

煙雨中間幾白鷗  
藕花菱葉小亭幽  
紫萼共煮香涎滑  
吐出新詩字字秋

鄭文振席上

香篆燒殘小玉蚪  
荷花深處浴鳧鷗  
談詩未了催行酒  
忽送清歌淺黛愁

寄越友

茂竹脩林已陳迹  
禹穴剡溪俱勝遊  
秋風倘未理歸夢  
我欲買船官渡頭  
湖山掩映信樂國  
煙雨淒迷非故鄉  
青灯何日一杯酒  
江頭極目吳山長

跋至能所書西湖洞天事

西湖天下竒絕處  
定有老僊時下觀  
重來俯仰已陳迹  
但見孤山煙霧漫

圯上老人親墮履衡山道士共聯詩向來此事亦  
多矣我故於君了不疑

陪劉提察少集四聖觀

江山於我故眼青我亦輒以詩酬之東華昨夢已  
塵土千曼勿令鷗鷺知

詩人胸次倒磊砢試澆之酒將何如作詩不壓林  
逋倒正恐湖山亦厭余

宿芳潤用壁間韻

只爲梧桐怨夜長不知楊柳老年芳林稍一片過  
雲雨便作秋聲占取涼

次韻牟監簿

幾携老硯傍書林吟到更寒月未沉有客忽從天  
祿至人間便隔五雲深  
秋聲滿院有誰來亦欲從君話老懷隔竹已敲茶  
臼雪不知何日又清齋

夢放翁爲予作貧樂齋扁誠齋許畫齋壁  
予本無是齋亦不省誠齋之能畫也

晴窻欲曉鳥聲春喚起黎床入定身老去不知三  
月暮夢中親見兩詩人

早春山中

空濛山翠濕烏紗逗密穿深一逕斜誰畫秋厓滿  
頭雪石壇倚竹看梅花

其二

竹邊門自不須關  
留與山雲共往還  
芳草初齊梅點點  
綠絲茸地鹿胎斑

其三

蘭未曾牙柳未絲  
是渠春早是春遲  
草塘尋見春風處  
問訊何如自不知

其四

吟入梅花倚樹腰  
不知聲撼雪飄飄  
山翁只道春無力  
半日黏鬚未肯消

其五

同時乞得杏花栽  
一樣高低一處栽  
自是春風不

齊整半零落  
盡半胚胎

元夕

團蒲曲几雪鬢髻  
寒人青燈澹似僧  
只有梅花一林月  
酒盃詩筆已無能

其二

去年人老已蒼華  
野藪山醜辨咄嗟  
到得今年人又老也  
無筋力看梅花

其三

莫道山家不掛燈  
脩身寶月一團冰  
清寒照見諸人膽  
却問諸人見未曾

其四

老去歡悰久已無病來瘦骨不勝扶山居幸自依  
青士身事何曾問紫姑

入村

十日春霖一日晴打包作意辨山行月明夜半雨  
聲急不道老天無十成

其二

山深未必得春遲處處山櫻花壓枝桃李不言隨  
雨意亦知終是有晴時

其三

閉門覓句每無悰句在茅茨煙雨中  
和煙和雨收拾取等晴却寫昇東風

其四

宿雨初晴曉日晶彌川滿谷白雲平爛銀堆裏素  
螺髻盡出江湖萬里橫

鴈來紅

是葉青青花片紅剪裁無巧似春風誰將葉作花  
顏色更與春風迥不同

其二

秋入山籬葉正丹老天渾誤作花看不知宋玉今  
何似鴈欲來時霜正寒

月下

月明正午一聲鴈山意如秋兩袖風鶴與蒼頭齊

夫

警

睡着無人知我此山中

其二

春風不到莓苔石山月自隨煙水身窮是世間常事耳不知顛倒幾多人

買蘭

幾人曾識離騷面說弄蘭花枉自開却是樵夫生鼻孔檐頭帶得入城來

秋崖先生小藁卷之五

秋崖先生小藁卷之六

方

岳

巨山

七言絕句

茶蘼

山徑陰陰雨未乾春風已暖却成寒不緣天氣渾無準要護茶蘼繼牡丹

其二

手挿春風十萬條野香落架玉搖搖黃鸝莫誤看花眼等得南薰雪未消

牡丹多不開花

宋刻四首

少作花頭多作叢十分能有幾分紅春工自不容

人力抱甕窮年笑此翁  
自謂風萬玉照吾廬昨歲驛頭今併疎  
自是愛花心不足何知物三有乘除

觀荷

南薰獨擅水雲鄉不許人間別有香  
是草是花開一遍春風却侶欠商量

其二

春紅樹樹或叢叢一一托根塵土中  
不道獨清冰氏子炎天玉立水晶宮

其三

紅紅白白兩娉婷一種風流各典刑  
紅亦非紅白非白阿嬌微醉阿環醒

其四

蓮有濂溪梅有逋兩家言句滿江湖  
自憐尚與梅花隔曾識先生太極圖

其五

花葉根莖迥不同略無些子犯春風  
羽衣縱落尋芳後解作清涼烈日中

山橋月夜

寒聲策策琅玕碧香氣浮浮齒齒紅  
六月人間苦炎熱獨搔殘雪月明中

秋熱

蘊隆日日等西風等得西風更蘊隆  
四十日秋無點雨誰將消息到梧桐

其二

山氣燼燼旱火光墻頭枯死半青黃  
飢腸慣作晴雷吼且乞梧桐一夜涼

晚秋猶熱

九月年時已肅霜今年九月尚追涼  
幸吾締絡猶無恙杜老何煩苦自傷

其二

適自相遭各有時莫悲團扇與秋辭  
斑姬不死天魚準定悔當時作許悲

即事十首

窺園何物媪無端芥手偷將玉雪團  
不道主林神

忌諱烏鳥聲樂併催殘

野塘尺水亦生煙寧有餘波可及田  
商略且爲魚作計須臾毋死待豐年

畦下驪懶欲誰欺趁我行山始一來  
只有山花山鳥笑主人元自不曾知

藤蔓穿籬礙草扉與僮扶起繞松園  
髯龍鱗甲動雲雨縛着空山莫遣飛

龍骨翻翻水倒流藕花借與稻花秋  
魚無熊掌不可得寧負風光救口休

記得秋風此削瓜偶遺子亦自成花  
生生化造無終極但有根芽未可涯



巖暝林霏日夕佳百年寧復此秋崖不須更問青  
烏子一鍾相隨死便埋

赤日黃埃槁欲焚賽神迎佛正紛紛天公老手何  
關汝一雨晴無一點雲

得搖牙處儘搖牙底用鳴聲送髮譁政自爲渠眠  
不熟西風吹葉打窓紗

殘髮蕭蕭不滿梳秋風推髻滿庭除日明忽見峻  
嶒影自是胡僧不是予

釣臺

羊裘偃蹇釣煙沙不肯雲臺定等差漢室了無塵  
土在滿江風月自蘆花

題雄觀

送出青山點點愁數聲柔艣隔滄洲白鷗不受人  
間暑明月一江天地秋

次韻訓因勝老

誤脫農箠拾漢科空山柰此月明何秋風又跨楊  
州鶴行路正難愁思多

鴈落平沙字字愁打包不肯與山留一蓬煙雨載  
秋去詩在江南蘆狄洲

淺山如霽水連天江北江南路幾千入夢老親霜  
白髮歸歟當及菊花前

客饒銀茄不敢送場屋士

愁風誰怒水中蟬昨夢不疑杯裏蛇迸齒清寒銀粟粟不隨盃酪供毗耶

次韻鄭省倉

買魚聊復醉醜船萬事從來付老天欲辦把茅無計可不量吾力更籌邊

歸去來兮月一船世途難侶上青天煙策自與輕鷗狎却在風濤阿那邊

丁祭

紫微花下玉丁東夜午牽牛亦未中孔壁尚餘金石奏捲班翻過玉成宮

中秋

黃塵茫茫行野馬白髮混混爭蝸牛老心如水夜聲寂明月不減山間秋

次韻齋宿

可是詩邊欠老干蘚床相對話燈殘秋城一夜江湖晚風雨重陽菊自寒

黃花白髮兩關情併入齋房長短更久客自知秋意思底須蛩雨做寒聲

題甘露寺中峯

六朝晴樹一江秋盡入風煙頂顛頭老手更擎江色出小亭景却勝於樓

金焦雨點自東西着我於中亦一奇菰葉蘋花秋

共晚山寒未必白鷗知

送琴遂還楚東

一生坐舛蛇添足萬事不如龜

軍持太

多事孤桐自了月明秋

脚根踏地袈裟破鼻孔撩天拄杖橫  
歸掃秋雲趺足坐荻花半落晚風晴

夢中

凡我同盟鷗鷺群既盟之後亦幽忻  
山中芝木香堪煮鶴未歸來空暮雲

同前

樹擎晚色柔枝碧兔睡晴香老月寒  
自滴玉蜍秋

蚪

滿袖輕雲片片泊闌干

東津

秋老江南隔岸山斷雲衰草雨斑斑  
煙帆未可橫江去鳴榔恐妨鷗鷺閑

雨宿

雨宿踈蓬不耐闌蘋花菰葉老江干  
鷺飛欲下忽驚起秋水新添一寸寒

次韻梁倅秋日白牡丹

自掩窻紗護夕陽碧壺深貯溜晴光  
可曾見此春風面淨洗鉛華試曉霜

頰桐花

厥草惟天簇絳繒猩紅初滴尚炎蒸西風坐閱笑  
蓉老合是花中耐久朋

其二

似子圓紅不似花綠叢擎出野人家亦知吟骨今  
當換火候初成獨體砂

題偶愛

每評吾郡佳山水當以水西爲最奇徑向水西非  
具眼不眠偶愛不渠知  
長汀宜日山宜雨盡在鷗看鷺聽中想見夜寒留  
客醉倚闌拍手喚漁蓬  
隨行茶竈曾同宿看盡朝嵐與夕霏一片詩愁秋

渺渺樹林深處見僧歸

溪雲莫怪塵埃面更與青山把一杯未省此詩容  
寫否聞渠曾識謫僊來

湖上醉題

山知吾亦以詩豪疇昔於山只淡交清得不多羸  
得瘦一生悔讀楚離騷

夢過湖

萬柄風荷秋渺然百錢又買過湖船菰浦鷗鷺渾  
相識驚怪人間已十年

行田

屋頭烏白午陰密牛與牧童相對眠不是官中催

稅急十年前已學耕田  
老農具榻茅茨底準擬先生欲岸巾笑道已呼兒  
貫酒月明且不厭家貧

月蝕

老兔酣眠一夜霜妖墓律啖未渠央人間今欠玉  
川子生語聱牙滿世香

次韻陳帳管秋思

秋風吹裂舊荷衣自讀離騷倚落暉已覺蘆花洲  
渚冷水天歸鴈着行飛  
人家一樣捲湘簾惹起新愁到酒邊久客不知詩  
瘦損小樓孤倚月娟娟

訪恭率翁不值

且容晴夢泊鷗沙傳語茶頭莫點茶山客不歸秋  
自老滿城風雨又黃花

還留石亭

枯荷折葦臥鳧鷗小雨輕煙畫出秋自喚短篷將  
老硯石亭尋客了詩愁

次韻客饒鱸蟹

江鱸淮蟹不論錢肯到湖邊明月船玉鱸雪螯新  
煮酒桂花香後菊花前

戲簡王尉

半床明月老秋風未必詩人一例窮比似樂天猶

欠在是非已落酒杯中  
楚雲遲上木蘭船  
惹得秋辭亦浪傳  
不直翠眉親  
唱與故應無分學  
彭宣

秋崖先生小藁卷之六

秋崖先生小藁卷之七

方岳 巨山

七言絕句

少微樓

不柰梅花爾許愁  
天寒孤倚夕陽樓  
近城鷗鷺逢人慣  
肯與漁簑共釣舟

洞元小集

鶴骨清寒不受吹  
白雲侵硯懶題詩  
雨深更覓山寒甚  
過了重陽菊未知

荅惠楮衾

吳宮金蹙鳳花綾  
春暖熏籠換水沉  
那侶冰橋楮

覺

夫子滿床明月解微吟

次韻別友

硯香不肯與山留  
雨浥寒花斷送秋  
後夜酒醒詩更好  
淡煙荒草並漁身

重陽

帽不禁吹怯酒觴  
只携老硯了重陽  
黃花未抵淵明瘦  
却做離騷以上香

九日道中凄然憶潘邠老之句

滿城風雨近重陽  
城腳誰家菊自黃  
又是江南離別處  
煙寒吹鴈不成行

用呂宗卿山亭韻

約住山雲倚斷欄  
雲如秋薄鼻山環  
爲山醉矣無山句  
山不負予予負山

田頭

田頭科斗古文字  
石上白窰山鼎彝  
勘破世間煩惱障  
醉而已矣不吟詩  
秧田多種八月白  
草樹初開九里香  
但得有牛橫短笛  
一簑春雨自農桑

嚴陵待鎖

一舸秋風夢亦寒  
津人只作賈胡看  
斷橋袖手暮煙合  
等得蘆花雪滿灘  
關却疎蓬只恁休  
莫留霜月伴孤舟  
津亭萬一商

陳

分數瑣到明朝何處求

過東湯卿溪堂

手葺溪堂旋補茅好山帶郭轉林稍  
身君共有吟詩癖月下柴門不厭敲

宿珠溪

一錢不直管城子萬事稱好孔方兄  
山房自做松風夢星斗闌干霜月明

種芥

不論青紫已離離煙濕春畦手自治  
一笑摩挲空洞腹是閒儘納幾須彌

種韭

下秧已覺齒生津坐想堆盤雨夜春  
政恐厨人魚變饌庾郎貧不侶吾貧

種菘

老圃相傳秋後菘磚爐石銚一年冬  
寧知遲種遲於我又見南薰上番風

採筍

此君有節瘦如許老子無心酷似之  
莫向人間危處去溪雲迳雪儘扶持

觀刈

石田犂确底須熈苦說頻年不下鎌  
煙雨一犁經老手翻匙香雪十分甜



其二

蹄豚孟酒祝甌窶一飽人間百事休已約山妻同  
野飯今年又勝去年秋

其三

秋來誰不負歸田炊玉嘗新喜欲顛乞我一年橫  
短笛太平有象是豐年

李監餉四物各以一絕答之

土瓜

蹲鴟不紫伏苓黃初斲春煙帶土香又覺相如詩  
肺渴入山餐玉不傳方

甘藷

老境於我漸不佳一生物性舊秋厓笑人煮簣何  
時熟生啗青青竹一排

鱖鮓

肉未為奇骨最奇透明瑪瑙碎琉璃老饕不柰殘  
牙齒却愛桃花軟玉脂

鵝鮓

翠箸紅泥麴米春篆灘風月入厨珍誰令渠識黃  
庭字且醉胸中魚字人

擘蟹

秋來何但食無魚老去寧須腹有書空洞略容君  
幾葦草泥郭索一從渠

次韻姚監丞斫鱸

冰盤飛縷落芳馨雪色微紅糝玉霽喚起琴簪十年夢詩腸平截鷺波清

旋搗金薤剝玉葱半盃膏酒洗冬烘吳中風物今猶爾說與厨人寧舍熊

少微山觀橘

手斲蒼煙竹迳深霜寒錯落萬黃金何年共話商山舊分種歸來欲滿林

聞角

殘角吹霜月欲斜天寒無柰客思家不知野竹滄江上開到梅梢第幾花

聞雪

黃塵沒馬長安道殘酒初醒雪打窓客子慣眠蘆葦岸夢成孤槩泊寒江

風月堂夜飲

霜洗橫枝月上初春彛更可共談無玉贅一一寒於雪貯以詩腸渺似湖

嘲鷺

曾有詩矜白鳥閑一生詩眼乞山漫朝來更覺忙於我雪沒蒼溪不道寒

劉遜子架閣餉江茶

琵琶亭下春寒夜濕盡青衫竟為誰江草江花恨

何極雪甌如此却無詩  
醉眠彭澤幾何日只與吟詩辨秫田  
靈草獨醒山  
雨外可曾持到漉巾前

光孝寺作茶供

一藤碎踏兩山雲看盡朝嵐與夕曛  
留得如來捨  
身相共敲蒼雪了爐熏

次韻君用寄茶

茅舍生苔費夢思竹爐烹雪復何時  
北山怕有移  
文在謹勿便令猿鶴知

除夜

雪片初飛歲已除竹籬梅自可吾廬  
歸來只有窮

相守未議移文送却渠

其二

莫笑青衫霜葉枯六年不改舊称呼  
人間書疏非  
吾事菜縷春盤何處無

其三

更與梅花把一盃醉題帖子等春來  
須臾便是隔  
年事留得寒香一併開

其四

春入荷葭塢亦竒塢名不枉與天知  
綠章併案閑  
池沼豈但烏臺要勘詩

其五

幸有牛衣暖侶春可曾半字日邊人不知相國何  
爲者撩得諸公屋大噴

其六

眼底童烏已七齡吾伊略亦記群經丁寧莫就中  
書試只可松邊竹下聽

山庵

枯松煮瀑香可啜野竹生前甜可掘山中道士歸  
不歸一夜猿鶴老明月

題趙漕小蓬萊

乾坤不盡一蘆廬方寸中間幾太虛辨着海濤三  
萬里乃翁底用費分踈

其二

老夫曾到道家山太乙青藜夜叩關著作承明今  
付子仙壺元不隔人間

寄遊山友人

不是山陰訪戴船貞成迷局爛柯僊徑行處用規  
摹取歸與都人作畫傳

紫極宮用呂宗卿韻

雲濕棊枰不堪着滿壑松寒鳥聲樂向來石鼎老  
彌月松下無人啓玄鑰

書客星閣

平生看破劉文叔不肯依乘赤伏符底處只緣曾

識面故應人喚作狂奴  
小留不過貂蟬耳亦恐遭人白眼看已自費辭侯  
霸輦歸來漱石暮江寒

紫虛觀

小炷爐熏待瀹茶瓦盆添水養蒲芽江南地暖得  
春早開盡雪籬無數花

寄題章氏起青樓

結樓多舛青山對却是青山不對渠見說蜃岩排  
闥入一窓晴色共殘書  
寒青拔起二千石山是一分雲一分切莫向渠談  
世事怕渠說舛沈休文

題郭氏繼一堂

繼一翁掛衣冠神武門而去。理宗賜處  
士號以寵嘉之睿藻奎文照映千古名卿大  
夫自退傳越公而下咸爲歌詩所以贊頌之  
者甚備岳無所復容其喙乃爲反離騷以規  
之曰

徑與三茅借一峰自携周易聽松風隱居本爲逃  
名計結入頭銜却不中  
漁策釣艇越中居底處煙波不屬渠一曲鑑湖須  
勅賜却令鷗鳥費分踈

寄題趙德成東岩

容吾

好山倒合詩人管新出東岩付此公略向畫圖曾  
半面石床定許聽松風  
人間無處我我輩只可飛泉蘚石邊習氣猶餘子  
虛賦苦令猿鶴怨風煙  
空山誰可閑來往自種梅花伴月明小築便爲身  
後計此竒千古未忘情

陳湯卿致紹梅

林下風流自一家縱施朱亦不奢華冷香猶帶灑  
橋雪不比春風桃杏花

秋崖先生小藁卷之七

